

## 開放文學 – 神鬼仙俠 – 東遊記

### 四 鐵拐獨步遇師

卻說先生自華山別歸，復居岩穴深林，深會老子之旨，熟思宛邱之語。運道益堅，用功益力。能出陰神，四方清逸，幽人聞風興起，相與往來，多求為之徒者。一日先生與其徒論道，忽見祥光繞其戶牖。先生觀之良久，乃曰：“此氣非常，必有異人降臨吾室。”乃獨自出齋散步。高山絕頂，見一鷹振羽高崗，喟然嘆曰：“詩雲：‘綿蠻黃鳥，止於丘隅。’”知其所止也。此鷹獨立於此，誠為知止。即有清間弓矢之徒，惟嗟望耳；繒繳之巧，安能施乎？奈何世人營營逐逐，於蝸角之虛名，覓蠅頭之微利，自驅陷井，至死方悔，豈不出此鷹之下乎？吾益有自儆矣。因口佔一絕雲：

知止不求寸，金睛半倦開；振衣千仞崗，何效戀塵埃？吟畢，正見祥雲縹渺，清氣汪洋，見二人跨鶴而來。向前視之，乃老君、宛邱也。先生急忙迎拜。老子笑謂李曰：“觀子今日之遊，固然足以發吾昔日之旨矣。”乃與李同至茅齋，先生再拜請教。老子曰：“為道日損，損之又損，以至無為。遊心欲淡，浩氣欲養，與物自然無私矣。”因與李約曰：“吾欲遊西域諸國，欲偕汝行遊。可於十日後，神馳吾側，毋相違也。”言訖，即同宛邱駕鶴望空而去。先生目送，嘖嘖稱善，乃歸茅齋。

不覺光陰易過，十日已周。乃呼其徒楊子囑曰：“吾將出神，赴老君之約於華山，留魄在此。倘遊魂七日而不返。方可符吾魄化之。若七日未滿，當好為吾守此魄，勿使傾壞，以違吾言也。”囑畢，靜坐遊神而去。